

- (4) U Planu korektivnih aktivnosti navode se mjere kojim se otklanjaju nedostaci, kao i rokovi u kojim je neophodno otkloniti nedostatke iz stava (3) ovog člana.
- (5) Lica, institucije i organizacije na koje je adresirano otklanjanje nedostataka u utvrđenim rokovima, dužni su obavijestiti predstavnika BHDCA o izvršenim korektivnim aktivnostima.
- (6) Predstavnik BHDCA, po dostavljanju izvršenih korektivnih aktivnosti, postupa u skladu sa ovim pravilnikom i propisima koje donosi BHDCA."

Član 2.

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj 1-3-02-3-576-3/24

31. jula 2024. godine

Banja Luka

Generalni direktor

Zorislav Ivanović, s. r.

---

Na osnovu člana 61. stav (2) Zakona o upravi ("Službeni glasnik BiH", br. 32/02, 102/09 i 72/17) i člana 14. stav (3) Zakona o zrakoplovstvu Bosne i Hercegovine ("Službeni glasnik BiH", br. 39/09 i 25/18), generalni direktor Direkcije za civilno zrakoplovstvo Bosne i Hercegovine donosi

**PRAVILNIK**

**O DOPUNAMA PRAVILNIKA O PRIHVATANJU I  
ODSTUPANJU OD STANDARDA I POSTUPAKA  
MEĐUNARODNE ORGANIZACIJE ZA CIVILNO  
ZRAKOPLOVSTVO**

Član 1.

U Pravilniku o prihvatanju i odstupanju od standarda i postupaka Međunarodne organizacije za civilno zrakoplovstvo ("Službeni glasnik BiH", broj 66/21), iza člana 14. dodaju se novi članovi 14.a) i 14.b) koji sada glase:

"Član 14.a)

(ICAO regionalna grupa za planiranje i primjenu - PIRG)

- (1) BHDCA imenuje predstavnika u ICAO regionalnu grupu za planiranje i primjenu (PIRG).
- (2) Predstavnik BHDCA prati sastanke PIRG grupe u koju je imenovan, kao i izvještaje sa sastanaka.
- (3) Predstavnik BHDCA je dužan pratiti izvještaje PIRG-a sa popisom nedostataka koji su identificirani u područjima usluga zračne plovidbe (ANS).

Član 14.b)

(Korektivni plan aktivnosti)

- (1) Predstavnik BHDCA je dužan identificirati nedostatke koji se odnose na Bosnu i Hercegovinu.
- (2) Predstavnik BHDCA je dužan adresirati predmetne nedostatke na lica, odnosno institucije i organizacije na koje se isti odnose.
- (3) Predstavnik BHDCA je dužan organizirati sastanak sa svim licima, institucijama, odnosno organizacijama iz stava (2) ovog člana, te utvrditi Plan korektivnih aktivnosti koje je neophodno preduzeti kako bi se nedostaci otklonili.